



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 52. Paschalis Papæ obitus. Eugenius II.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX.
A. C. 824.

Astron. an.
223.

Eginh. an.
824. *Anast.*
in Pasch.
v. Papebr.
Conat.

teris & Diaconis ab interemptorum ne-
ce Sacramento se purgavit. Interfecto-
res exhibere noluit, quod ad familiam
S. Petri pertinerent, affirmavitque, Theo-
dorum & Leonem suo merito & ex æ-
quo læsæ Majestatis reos fuisse jugula-
tos. Ut de his Imperator plenius edo-
ceretur, Papa in Franciam remisit eun-
dem Joannem Episcopum, Sergium Bi-
bliothecarium, Quirinum Subdiaconum,
& Leonem Militiæ Magistrum, qui cum
Imperatoris Legatis ad Regiam remea-
runt. Ubi eos audivit Ludovicus, non
credidit, ulterius in hujus cædis aucto-
res esse inquirendum, utcunque cupiisset,
sed indolem suam & mitissimum, quod
a Natura acceperat, ingenium secutus
acquievit.

§. LII.

Paschalis Papæ obitus. Eugenius II.

Paschalis Papæ Legati Romam rever-
si graviter ægotantem habuerunt;
nam paucis post diebus migravit ad Cœ-
lum, nempe undecima Maji, anno octin-
gentesimo vigesimo quarto, postquam
sedisset annis septem, tribus mensibus &
diebus septendecim. Duas celebravit
Ordinationes, unam mense Decembri &
alteram mense Martio. Multas Eccle-
sias Romæ & in aliis locis reparavit &
ornavit. Hospitium Anglorum casu for-

tuito

tuito concrematum restauravit, Hospi-
 tium S. Peregrini prope Basilicam S. Pe-
 tri a Leone III. erectum, & Monasterium
 foeminarum SS. Martyrum Sergii & Ba-
 chi reparavit, & facultatibus ditavit.
 Inter ornamenta, quæ Ecclesiis obtulit,
 duo memorantur, in quibus S. Virgo
 corpore assumpta repræsentabatur. Un-
 de dispicimus, Assumptionem jam illa
 ætate Romæ a fidelibus creditam. Col-
 lapsam Cathedram Pontificalem ad S.
 Mariam Majorem extruxit, scalas fecit,
 quibus ad eam ascenderetur, ut libere
 Sacris operari & Ministris colloqui pos-
 set, quin impedimento essent mulieres,
 quæ haud procul stare solebant. Pa-
 schalem Papam Ecclesia Romana inter
 Sanctos decima quarta Maji colit.

Sæculum IX.
 A.C. 824.

na 3103
 or n 100
 notis

Mart. Rom.
 14. Maji.
 Boll. t. 14.
 p. 391.

Anast. in
 Eug. Egink.
 an. 824.

Schisma De-
 cimium.

Sacra Sedes vacavit usque ad diem
 Dominicam, quintam Junii, qua ordina-
 tus est Eugenius secundus Archipres-
 byter Titulo S. Sabinæ. Is Romæ natus
 erat, Boemundi filius, quem humilitas
 animi, simplicitas, Doctrina, munificen-
 tia commendabant. Non tamen omni-
 no sine turbis electus est, nam habebat
 æmulum. (*) Sed superavit Pars No-
 bilium qui Eugenio favebant, seditque
 annis tribus, & tribus ferme mensibus.
 Illico

(*) Zinzinus is erat, Romanus, Presbyter Ti-
 tularis, id est, Cardinalis.

Sæculum IX. Illico mittitur Quirinus Subdiaconus, qui
A. C. 824. Eugenii Ordinationem Ludovico Imperatori nunciaret. Is Lotharium filium suum iterum Romam mittere statuit, ut suo nomine cum novo Papa & Populo Romano necessaria Reipublicæ negotia componeret.

§. LIII.

Lotharius Romæ Jus dicit.

Coint. an.
 824. n. 10.
Astron.

Lotharius in hoc itinere comitem habuit Hilduinum S. Dionysii Abbatem & Archicapellanium. Ubi Romam pervenit, convocata Concione conquestus est, quod ex illis, qui Imperatori parenti suo & Francis Fidem servassent, aliqui per nefas interfecti fuissent, & alii contemptui haberentur. Quæsit, cur querelæ contra Pontifices & Civitatis Romanæ Judices moverentur, & cum patuisset, multos fundos tum Judicum avaritia tum Paparum oscitantia inique fuisse Fisco addictos, præcepit, ut restituerentur. Consensit Eugenius Papa hilari animo, applaudente toto populo Romano.

Inter illos, qui Tribunal Lotharii adierunt, fuit Ingoaldus Abbas Farvensis ex Territorio Sabinorum. Is querebatur, quod oppressa Monasterii sui libertate Papæ tributum a se exegissent, & aliquos fundos vi adhibita eripuissent.